



**BARAZA LA WAWAKILISHI – ZANZIBAR**

**ORODHA YA SHUGHULI ZA LEO**

**BARAZA LA TISA LA WAWAKILISHI**

**MKUTANO WA SITA**

**Kikao cha Thelathini na Mbili – Tarehe 21 Juni, 2017.**

Kikao Kitaanza Saa 3.00 (Tatu) Asubuhi  
na Dua itasomwa.

**I. TAARIFA YA SPIKA:**

**II. HATI ZA KUWASILISHA MEZANI:**

**Waziri wa Fedha na Mipango:**

Hotuba ya kuwasilisha Mswada wa Sheria ya Kuweka Masharti Bora ya Usimamizi wa Ushuru wa Stempu na Mambo Mengine Yanayohusiana na Hayo na Kufuta Sheria ya Ushuru wa Stempu Nam. 6 ya Mwaka 1996.

Hotuba ya kuwasilisha Mswada wa Sheria ya Kuweka Vifungu vya Uanzishaji wa Kodi itakayojulikana kama Ushuru wa Bidhaa na Huduma kwa Bidhaa na Huduma zinazolingizwa na Mambo Mengine Yanayohusiana na Hayo.

### **Mwenyekiti Kamati ya Bajeti:**

Hotuba ya Maoni ya Kamati ya Bajeti Kuhusu Mswada wa Sheria ya Kuweka Masharti Bora ya Usimamizi wa Ushuru wa Stempu na Mambo Mengine Yanayohusiana na Hayo na Kufuta Sheria ya Ushuru wa Stempu Nam. 6 ya Mwaka 1996.

Hotuba ya Maoni ya Kamati ya Bajeti Kuhusu Mswada wa Kuweka Vifungu vya Uanzishaji wa Kodi itakayojulikana kama Ushuru wa Bidhaa na Huduma kwa Bidhaa na Huduma zinazolingizwa na Mambo Mengine Yanayohusiana na Hayo.

### **III. MASWALI:**

#### **Wizara ya Fedha na Mipango:**

165. MHESHIMIWA OMAR SEIF ABEID (Jimbo la Konde)  
- Atamuuliza Mheshimiwa Waziri wa Fedha na Mipango:

Mfuko wa Hifadhi ya Jamii Zanzibar (ZSSF) ni chombo kinachohitaji kuendeshwa kibiashara kwa ajili ya kuwanufaisha wanachama wake ambao wengi wao ni Wazanzibari.

- (a) Je, Mfuko huo una mpango gani wa kuanzisha Benki au Sacos zitakazotoa mikopo kwa wajasiriamali hasa baada ya kustaafu.
- (b) Je, ZSSF inafikiria kuanzisha miradi mikubwa ya kununua boti za uvuvi wa kisasa ambazo pamoja na kuongeza kipato kwa Mfuko lakini pia zitatoa ajira kwa vijana wetu.

135. MHESHIMIWA OMAR SEIF ABEID (Jimbo la Konde)  
- Atamuuliza Mheshimiwa Waziri wa Fedha na Mipango.

Kwa kuwa Serikali ilipanga kutumia Tshs. 1.50 Billion kwa ajili ya ununuzi wa mashine za kutolea risiti (EFD mashine), jambo ambalo lilishindikana na badala yake kukapatikana jumla ya Tshs. 282.80 milioni ambazo

ni sawa na 16% ya matarajio na hivyo fedha hizo kutumika kwa kazi nyengine kama ilivyoainishwa kwenye kitabu cha Makadirio ya Mapato na Matumizi ya Wizara ya Fedha na Mipango 2016/2017.

- (a) Je, ni kwanini hadi leo Serikali imeshindwa kununua mashine za kutolea risiti kwa wafanyabiashara ili kudhibiti ukusanyaji wa kodi.
- (b) Je, Serikali ilipata faida gani kwa fedha zilizotumika kwenye mikutano ya washirika wa maendeleo ambao walionesha nia kutaka kutusaidia fedha ambazo zilikuwa zinunuliwe mashine za kutolea risiti.
- (c) Je, ni maeneo gani mapya kwa kipindi hiki tumeweza kupata misaada na kufutiwa madeni.

#### **Wizara ya Elimu na Mafunzo ya Amali:**

178. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Elimu na Mafunzo ya Amali:

Katika utumishi wa umma wafanyakazi wa kada tofauti wamekuwa na Taasisi zao za Utumishi kama vile Tume ya Utumishi ya Serikali, Idara Maalumu, Baraza la Wawakilishi na Mahakama. Kada ya Ualimu ambayo ni miongoni mwa eneo lenye wafanyakazi wengi nalo limeachwa bila kuwa na chombo chake cha utumishi kama ilivyo kwa baadhi ya nchi jirani.

Je, Serikali ina mpango gani wa kuunda Tume ya Utumishi wa Walimu ili shughuli zote za utumishi zinazowahusu Walimu ziwe na chombo chake cha kuzishughulikia.

### **Wizara ya Afya:**

100. MHESHIMIWA JAKU HASHIM AYOUB (Jimbo la Paje) – Atamuuliza Mheshimiwa Waziri wa Afya:

Wananchi wa Makunduchi kwa nguvu zao wamejitahidi kujenga jengo la nyumba ya daktari yenye vyumba sita, ambayo hatua iliyofikiwa ni kuezekwa lakini imesita kutokana na kukosekana kwa rasilimali fedha na wananchi nguvu zao zimefikia hapo.

Je, ni lini Serikali itaungamkono nguvu za wananchi wa Makunduchi kumalizia ujenzi wa nyumba hiyo ya daktari katika hatua ndogo iliyobakia.

### **Wizara ya Ujenzi, Mawasiliano na Usafirishaji**

46. MHESHIMIWA ABDALLA MAULID DIWANI (Jimbo la Jang'ombe) - Atamuuliza Mheshimiwa Waziri wa Ujenzi, Mawasiliano na Usafirishaji:

Pamoja na azma nzuri ya Serikali katika kuwatumikia wananchi wake katika shughuli mbalimbali ikiwemo kuridhia usafiri wa bodaboda kutumika kwa kusafirisha abiria sehemu mbalimbali ndani ya maeneo yetu hapa Zanzibar.

- (a) Je, hatuoni kuwa tumeipunguzia Serikali mapato katika upande wa kodi ambazo zilikuwa zinalipwa na wamiliki wa gari za abiria (Taxi) ambazo sasa zimepungua kutokana na uwepo wa bodaboda.
- (b) Je, ni gharama au kodi gani wanazolipa wenye bodaboda ili kuishawishi Serikali iridhie kutoa huduma hii.
- (c) Je, Serikali haioni kuwa hawawatendei haki wenye Taxi.

109. Mheshimiwa SULEIMAN SARAHAN SAID (Jimbo la Chake Chake) - Atamuuliza Mheshimiwa Waziri wa Ujenzi, Mawasiliano na Usafirishaji:

Zanzibar ni nchi mojawapo inayokuwa kwa kasi kimaendeleo na hivi sasa katika sekta za usafiri kama gari zimekuwa nyingi sana. Hata hivyo, ongezeko hilo la gari limeleta changamoto ambapo gari hizo hulazwa barabarani na kusababisha usumbufu ambao hata kupita inakuwa shida na ajali kuongezeka.

- (a) Je, Serikali hailioni hilo, na kama imeliona, imechukua hatua gani ili kuepusha hatari.
- (b) Ni lini Serikali itapiga marufuku vitendo vya kulaza gari barabarani.

#### **IV. HOJA ZA SERIKALI:**

##### **Waziri wa Fedha na Mipango:**

Mswada wa Sheria ya Kuweka Masharti Bora ya Usimamizi wa Ushuru wa Stempu na Mambo Mengine Yanayohusiana na Hayo na Kufuta Sheria ya Ushuru wa Stempu Nam. 6 ya Mwaka 1996.

Mswada wa Sheria ya Kuweka Vifungu vya Uanzishaji wa Kodi itakayojulikana kama Ushuru wa Bidhaa na Huduma kwa Bidhaa na Huduma zinazoingizwa na Mambo Mengine Yanayohusiana na Hayo.

Zanzibar,  
21 Juni, 2017.

**(Raya Issa Msellem)**  
**KATIBU WA BARAZA.**